



U ovom broju:

- ▶ NACRT BUDŽETA ZA 2024. GODINU
- ▶ OBILJEŽEN 25. NOVEMBAR
DAN DRŽAVNOSTI BiH
- ▶ IZGRADNJA KORIDORA 5C KROZ
OPĆINU TEŠANJ
- ▶ KAPITALNI PROJEKTI
- ▶ BUNAR PEB 5
- ▶ OTVOREN PRVI COWORKING
PROSTOR U TEŠNJU
- ▶ UDŽBENICI ZA 519 NOVIH UČENIKA
- ▶ DANI GRADA TEŠNJA



OPĆINA TEŠANJ

Trg Alije Izetbegovića 1

www.opcina-tesanj.ba

e-mail: optesanj@bih.net.ba





SUAD HUSKIĆ
OPĆINSKI NAČELNIK

AMIR KURTIĆ
PREDSJEDAVAJUĆI OPĆINSKOG Vijeća

BANJSKO-KLIMATSKA LIJEĆENJA BORAČKIH POPULACIJA

Obavještavamo javnost da je Ministarstvo za boračka pitanja ZDK obustavilo prijem zahtjeva za medicinsku rehabilitaciju boraca i članova njihovih porodica zaključno sa 1.11.2023. godine.

Kompletну obavijest možete pogledati na www.opcina-tesanj.ba



bilTen tešanski
Interno informativno glasilo

Godina XXIII
novembar/studeni 2023.
Broj 87

Impressum

Izdaje: OPĆINA TEŠANJ

Redakcija:

Edina Kadušić, Samir Brka,
Kanita Gredelj i Bahrudin Noćić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 1
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: Grafik-komerc Jelah, Tešanj

PONOVLJENI JAVNI POZIV: GRANT SREDSTVA ZA UKLANJANJE I ZBRINJAVANJE PASA LUTALICA

Predmet javnog poziva je iskazivanje interesa za uklanjanje i zbrinjavanje pasa latalica sa područja općine Tešanj, čipovanje i vakcinisanje svih pasa zbrinutih u Azilu za pse, kao i sterilizacija/kastracija pasa za koje ovlaštena veterinsrska služba utvrđi da je potrebno i moguće.

Javni poziv možete pogledati na www.opcina-tesanj.ba

JAVNI POZIV: POSTAVLJANJE REKLAMNIH MATERIJALA NA STUBOVE JAVNE RASVJETE

Raspisuje se javni poziv za davanje na korištenje nosača reklamnih panoa na stubovima javne rasvjete namjenjenih plakatiranju, odnosno postavljanju reklamnih materijala koji predstavljaju preduzeće-firmu, neki proizvod, najavu događaja, predizborni materijali političkih partija, oglasi humanitarnog karaktera i slični reklamni materijali koji nisu uvredljivog sadržaja po bilo kojem osnovu.

Javni poziv možete pogledati na www.opcina-tesanj.ba


BUDŽET OPĆINE TEŠANJ ZA 2024. GODINU

Na 29. sjednici Općinskog vijeća Tešanj održanoj 31.10.2023. godine, usvojen je i upućen u javnu raspravu nacrt budžeta Općine za 2024.godinu.

Budžet u nacrtu iznosi 24.906.000 KM i manji od Budžeta tekuće godine za 1,2 miliona KM.

U nacrtu je projiciran rast izvornih prihoda Općine, kao i tekućih grantova, dok je u ovoj fazi planiran manji iznos kapitalnih grantova i prijenosa sredstava, kao i kreditnog zaduženja. Do izrade prijedloga budžeta očekuje se više informacija o eventualnim grant sredstvima viših nivoa vlasti, kao i o visini sredstava koja će se prenijeti, tako da se može očekivati uvećanje budžeta.

Odnos projiciranih prihoda sa prihodima tekuće godine iskazan je u narednom grafikonu:




U okviru rashoda planiran je rast svih grupa tekućeg dijela budžeta, zbog rasta cijena, obima aktivnosti, proširenja podrške projektima nevladinog sektora, privrede i javnih ustanova, socijalnih izdvajanja i drugo.

Kapitalni dio budžeta u ovoj projekciji je umanjen iz razloga nepostojanja dovoljno informacija o grant sredstvima koja će se moći ostvariti, kao i o visini sredstava za prijenos. Stoga se u kapitalnom dijelu mogu očekivati značajnije promjene i uvećanje u samom prijedlogu budžeta.

Javna rasprava traje mjesec dana, a usmeni dio rasprave niz godina se provodi u 5 termina, na tri lokacije - Tešanj, Jelah, Tešanjka, tako da se do izrade prijedloga budžeta prikupi niz zahtjeva i prijedloga učesnika javne rasprave. Rezultat javne rasprave bude izmjena budžeta u odnosu na nacrt i do 2 miliona KM.

Uporedni pregled uvećanja po grupama rashoda je iskazan u okviru narednog grafikona:



PREDSTAVLJEN STEPEN IZGRADNJE KORIDORA 5C NA PODRUČJU OPĆINE TEŠANJ

Predstavnici Općine Tešanj i JP Autoceste FBiH organizovali su predstavljanje stepena realizacije projekta Izgradnje Koridora 5c koji prolazi područjem općine Tešanj, na dionicama Putnikovo brdo-Medakovo i Medakovo Ozimice. Radi se o najvećem infrastrukturnom projektu koji se realizuje na teritoriji naše općine a čija je ugovorena vrijednost skoro milijardu KM. U ime JP Autoceste FBiH, prisutnim gostima obratili su se Direktor za projektovanje Asmir Dževlan, i voditelji projekata Edin Dedović (dionica Putnikovo brdo-Medakovo) i Alem Kovačević (dionica Medakovo-Ozimice) koji su predstavili dosadašnje radove.


Želim se zahvaliti građanima i mjesnim zajednicama koji su sudjelovali u ovom procesu, a posebno mojim saradnicima koji su direktno radili na ovom poslu. Završetkom Koridora, općina Tešanj će biti bliža mreži evropskih puteva, a to znači novu fazu razvoja za Tešanj u narednim decenijama, rekao je Općinski načelnik Suad Huskić.

Predstavljanju su prisustvovali zastupnici na višim nivoima vlasti sa područja općine Tešanj, vijećnici u Općinskom vijeću Tešanj, predstavnici Općine Tešanj, privrednici, predstavnici institucija i mjesnih zajednica, predstavnici izvođača, firmi Euro-Asfalt i Čengiz, te predstavnici nadzora. Planirani završetak radova gradnje autoputa kroz općinu Tešanj je u junu 2025. godine (dionica Putnikovo brdo-Medakovo), odnosno junu 2026. godine (dionica Medakovo-Ozimice). Nakon prezentacije, uslijedila je posjeta gradilištu.



OPĆINA TEŠANJ UVELA JOŠ JEDAN ELEKTRONSKI SERVIS

Kako bi se osigurala još veća transparentnost i informisanost u vezi sa razvojnim projektima koji utiču na lokalnu zajednicu, na općinskoj web stranici dostupna je tzv Mapa projekata. Radi se interaktivnoj bazi podataka koja omogućava pristup najvažnijim informacijama o kapitalnim projektima na području općine Tešanj. Dostupni su podaci o svakom projektu, uključujući informacije o vrijednosti i vrsti projekta, izvođaču, nadzoru, statusu izvođenja itd. Osim tabelarnog pregleda, postoji i prikaz projekata na interaktivnoj karti, što omogućava korisnicima da jasno vizualiziraju lokacije projekata. Moguće je pregledati projekte po godinama, vrsti i trenutnom statusu. Na ovaj način građanima je omogućeno bolje informisanje o projektima koji se odvijaju u njihovoј lokalnoj zajednici, a imaju i mogućnost praćenja napretka svakog pojedinačnog projekta.



OTVOREN PRVI COWORKING PROSTOR U TEŠNJU

U oktobru je svečano otvoren prvi coworking prostor u Tešnju – TECH-LAB. Adaptacija i opremanje TECH-LAB-a provedeno je kroz niz faza tokom proteklih godina. Ukupna vrijednost projekta je 378.606,84 KM.

Prigodnim govorom, prisutnim gostima obratili su se Općinski načelnik Suad Huskić, Direktor Agencije za razvoj općine Tešanj TRA Edin Ibrahimović i Ministar privrede ZDK Samir Šibonjić.

Ovom prilikom želim naglasiti važnost ovog strateškog projekta, koji je kroz svoju realizaciju prošao kroz transformacije kako bi postao ono što je danas – prostor koji će odgovarati potrebama poslovanja. Vjerujem da je otvaranje TECH-LAB-a samo početak novog poglavlja u razvoju naše lokalne privrede, rekao je Općinski načelnik Suad Huskić.

Projekat TECH-LAB je rezultat saradnje velikog broja domaćih partnera, a sufinansiran je dijelom iz sredstava Europske unije, konkretno Lokalnog partnerstva za zapošljavanje, Faza II (LEP II). TECH-LAB coworking prostor je prava prilika za poduzetnike, freelancere i kreativce da stvaraju, sarađuju i ostvaruju svoje poslovne ambicije u poticajnom okruženju koje TECH-LAB nudi.

Ovaj projekat finansijski su podržali Europska unija, Općina Tešanj, Agencija za razvoj općine Tešanj, Federalno ministarstvo razvoja, poduzetništva i obrta, te Ministarstvo privrede ZDK.



PAMETNI GRADOVI - KA DIGITALNOJ TRANSFORMACIJI GRADОVA U BIH

Predstavnice GIZ-a Hannah Heil i Amira Omanović posjetile su Općinu Tešanj kako bi sa Općinskim načelnikom razgovarale o projektu digitalizacije koji obuhvata izradu Mape puta, Otvorene podatke i ponajviše izradu novog parking sistema. Radi se o softverskim rješenjima koje implementiraju, kroz projekat Pametni gradovi – ka digitalnoj transformaciji gradova u BiH, kompanije Lanaco i DVC Solutions i Bit Alijansa, udruženje IT kompanija u BiH. Ovom prilikom razgovarano je o iskustvima i zadovoljstvu urađenim, kao i očekivanjima i planovima za naredni period. Sastanku su prisustvovali i predstavnici JP Rad Tešanj.



NABAVKA I ZAMJENA POSTOJEĆIH SVJETILJKI LED RASVJETNIM TIJELIMA

Općinski načelnik Suad Huskić i predstavnik firme Elektroprizma d.o.o. Tešanj potpisali su ugovor za Nabavku i zamjenu postojećih svjetiljki LED rasvjetcnjim tijelima. Ovim ugovorom su obuhvaćene dionice Tešanj-Jelah i Tešanj-Srednjoškolski centar. Ukupna vrijednost ugovora je 79.852,50 KM.



REALIZACIJA PLANA KAPITALNIH INVESTICIJA U 2023. GODINI

U skladu sa Odlukom o usvajanju Plana kapitalnih investicija za 2023. godinu iz sredstava budžeta Općine Tešanj za 2023. godinu realizovani su projekti u mjesnim zajednicama, kao i projekti općeg značaja. Osim toga, realizovani su i projekti iz drugih sredstava (sredstva budžeta, vodne naknade, učešće građana, podrška projektima iz drugih izvora i utrošak sredstava od koncesija).

A) Mjesne zajednice

R. br.	Naziv MZ	NAZIV PROJEKTA	Ugovoren iznos	Status/Napomena
1	Bobare-Drinčići-Blaževci	Asfaltiranje puta Svrze	11.887,20 KM	Realizovano
2	Bobare-Drinčići-Blaževci	Asfaltiranje puta Jazovi	12.788,10 KM	Realizovano
3	Bukva	Asfaltiranje puta Dubalj	19.439,55 KM	Realizovano/gradani skupili još 10.000,00 KM
4	Bukva	Asfaltiranje puta Navrboci	17.460,50 KM	Realizovano/gradani skupili još 13.000,00 KM
5	Dobropolje-Mekiš	Put Dobropolje-Čaglići	23.895,05 KM	Realizovan/Nastavak prošlogodišnjeg projekta
6	Dobropolje-Mekiš	Trotoar pored R474	0,00 KM	Kandidovano
7	Dobropolje-Mekiš	NC Babići	34.807,00 KM	Realizovano
8	Džemilić Planje	Asfaltiranje puta Mehmedovići-Huskići	20.676,08 KM	Realizovano
9	Jablanica	Asfaltiranje puta Čaglići-Dobropolje	23.895,05 KM	Realizovan/Nastava prošlogodišnjeg projekta
10	Jelah	Ovodnja oborinskih voda Centra Jelaha (projektovanje)	7.020 KM	Realizovano
11	Jelah	Izgradnja dječjeg igrališta	160.000 KM	U pripremi tender vrijednosti 160 hiljada KM
12	Jelah	Izgradnja trotoara uz magistralnu cestu M4	26.824,62 KM	Realizovano
13	Jevadžije	Adaptacije zgrade MZ, faza I	39.780,00 KM	U toku realizacija
14	Kalošević	Poboljšanje vodosнabdjivanja Putešić (rezervoар)	179.410,14 KM	U toku realizacija
15	Kalošević	Asfaltiranje puta Mlin Bošnjaci	21.250,94 KM	U toku realizacija
16	Karadaglije	Nastavak gradnje Trotoara prema Kiseljaku	19.527,30 KM	Realizovano
17	Kraševo	Renoviranje sportskog poligona/ Uređenje dvorišta	24.702,76 KM	U toku realizacija
18	Ljetinić	Uređenje i sanacija puta i putnih kanala na pravcu Alibalići	15.720,00 KM	Realizovano
19	Medakovo	Ovodnja oborinskih voda i sanacija saobraćajnice nakon klizišta/ Ovodnja oborinskih voda u	22.199,35 KM	U toku realizacija/na zahtjev MZ promijenjen prvi prioritet
20	Miljanovci-Lončari	Put bare-škola-Omerbašići (presvlaka)	19.562,40 KM	Realizovano
21	Novi Miljanovci	Presvlaka na LC	19.562,40 KM	Realizovano
22	Mrkotić	Izgradnja trotoara uz glavni lokalni put u Mrkotiću	0,00	U toku tender/Općina Tešanj, građani i UNDP
23	Novo Selo	Put Dom Bedaci Park	37.995,50 KM	Realizovano
24	Orašje Planje	Poslovni objekat za potrebe MZ	17.988,00 KM	Realizovano

25	Piljužići	Poligon Avdićka	33.888,55 KM	Realizovano
26	Piljužići	Put Komin	0,00 KM	Kandidovano
27	Raduša	Izgradnja primarne kanalizacije- Dolac duž Muhića potoka	0,00 KM	U toku priprema tendera
28	Raduša	Asfaltiranje puta Dizdari- Džamija Kotlanice	27.443,22 KM	Realizovano/Građani skupili 54 hiljade KM/Općina dodala 8 hiljada za završetak puta
29	Rosulje	Asfaltiranje puta Školjića brdo	24.442,24 KM	Realizovano
30	Šije	Izgradnja fekalne kanalizacije u MZ Šije	0,00 KM	U toku JN/ Vodne naknade
31	Šije	Asfaltiranje lokalnog puta Jaruge	25.225,00 KM	Realizovano
32	Tešanj	Asfaltiranje puta Harinke	43.546,89 KM	Realizovano
33	Tešanj	Asfaltiranje puta Ošljak Ravne-nastavak	42.286,24 KM	Realizovano
34	Tešanj	Asfaltiranje ul. Ahmetagića put	11.796,00	Realizovano/Na zahtjev MZ promijenjen prvi prioritet
35	Tešanjka	Rekonstrukcija starog doma kulture	0,00 KM	U toku priprema/ Čekanje zbog Javnog poziva EU4AGRI
36	Trepče	Asfaltiranje puta Šljivice i odvodnja površinskih voda	92.337,83 KM	U toku realizacija/na zahtjev MZ promijenjen prvi prioritet
37	Vukovo	Asfaltiranje puta Barica	27.278,90 KM	Realizovano
UKUPNO A			1.104.636,81 KM	



B) Projekti od općeg interesa

Red br	Projekti općeg značaja	NAZIV PROJEKTA	Lokalni budžet izvorno	Ugovoreni iznos	Status/Napomena
1	1	opći značaj	Sportska dvorana Jelah III faza	388.779 KM	U toku realizacija Općina Tešanj/vodne naknade i drugi izvori
2	2	opći značaj	Sportska dvorana Jelah IV faza	- KM	U pripremi tender vrijednosti 800 hiljada KM
3	3	opći značaj	Škola Medakovo III faza	289.800 KM	U toku realizacija Općina Tešanj/Viši nivoi vlasti
4	4	opći značaj	Obaloutvrda Kalošević, Mrkotić, lijeva obala	440.723 KM	Agencija slivovi rijeke Save/ Završeno
5	5	opći značaj	Put i pomoći bunar pored jezera Jelen	71.959 KM	Realizovano Trasiranje puta i polaganje cjevovoda i elektrokablova
6	6	opći značaj	Prva faza gradnje vodovoda Karadaglić, Jablanica, te izrada projektne dokumentacije sekundarne mreže	649.000 KM	U toku realizacija
7	7	opći značaj	OS "Đemal Bijedić" centralni objekat Miljanovci i -OS "Rešad Kadić", objekat Planje - izgradnje energetske efikasnosti	- KM	U toku javna nabavka koju provodi Fond za zaštitu okoliša Federacije BiH
8	8	opći značaj	Rekonstrukcija raskrsnice Tešanj- Jelah	699.966,58 KM	U toku realizacija Direkcija za ceste ZDK, uz podršku općine
9	9	opći značaj	Regulacija korita Radušice, preuslov za priključak M4	- KM	Kandidatura putem javnog poziva Ministarstva za privrednu/gospodarstvo ZDK
UKUPNO B			2.540.227,64 KM		



C) Projekti solidarnosti

Red br	Projekti solidarnosti	NAZIV PROJEKTA	Ugovoreni iznos	Status/Napomena
1	Solidarnost	Trasiranje novih puteva	49.233,06 KM	Realizovano
2	Jelah, O.Planje, Mrkotić	Asfaltiranje puta Zborišće	33.721,20 KM	Realizovano/Spajanje puta 3 mjesne zajednice
UKUPNO C		82.954,26 KM		



D) Koncesije i druga sredstva

Red br	Naziv MZ	NAZIV PROJEKTA	Ugovoreni iznos	Status/Napomena
1	Raduša	Trotoar Kotlanice	24.433,30 KM	Zbog imovinsko pravnih odnosa realizovan jedan dio Ugovora
2	Orašje Planje	Put Dolac Čorići	27.016,26 KM	Realizovano
3	Karadaglje	Trotoar prema Koprivcima	27.559,35 KM	Realizovano
UKUPNO D		79.008,91 KM		



SARADNJA UNIVERZITETA I LOKALNIH ZAJEDNICA



U okviru obilježavanja Dana Univerziteta u Zenici, Općina Tešanj, Tešanjska razvojna agencija TRA i Univerzitet u Zenici organizovali su u Tešnju Okrugli sto na temu: Saradnja Univerziteta i lokalnih zajednica – stanje i perspektive na primjeru Univerziteta u Zenici i Općine Tešanj.

Na panel diskusiji govorili su Općinski načelnik Suad Huskić, Rektor Univerziteta u Zenici prof.dr.sc. Jusuf Duraković, direktorka Pedagoškog zavoda Zenica Aida Salkić, generalni direktor Mann Hummel BA Mahmut Galijašević i direktor fime InterProcess Jasmin Kalabić. Po završetku panel diskusije doneseno je jedanaest zaključaka koji će u narednim danima biti javno objavljeni.

UDŽBENICI ZA 519 PRVAČIĆA

Povodom početka nove školske godine u Sportskoj dvorani u Tešnju organizovano je druženje za dake prvake sa područja općine Tešanj. Općina Tešanj je obezbijedila knjige i školski pribor za svih 519 novih učenika, a održan je i prigodan zabavni program. Omogućili smo lijepu uspomenu jednoj cijeloj generaciji na početak školovanja i još jednom pokazali da nam je stalo do mlađih, do porodice, do znanja i obrazovanja. Počeli smo himnom i zastavicama domovine BiH za svakog prvaka. Tešanj je najbogatija općina u Bosni i Hercegovini, jer Tešanj ima najveći broj učenika u osnovnoj školi na 1000 stanovnika. Svim školarcima, roditeljima, radnicima u obrazovanju sretno u novoj školskoj godini, rekao je Općinski načelnik Suad Huskić.



IGRALIŠTE ZA DJECU U TEŠNJU

Općina Tešanj i ProCredit Bank potpisali su Sporazum o zajedničkom učeštu u projektu izgradnje dječjeg igrališta na području općine Tešanj. Realizacija ovog projekta doprinijet će razvoju zajednice, pružajući djeci i mladima siguran i zabavan prostor za igru i rekreaciju.

Općina Tešanj je općina sa najvećim prirodnim priraštajem i najvećim brojem učenika u Federaciji Bosni i Hercegovini. Fokusirani smo na podršku mlađim ljudima i mlađim bračnim parovima. U narednom periodu ćemo izgraditi dva dječja igrališta na području općine Tešanj. Danas smo potpisali Sporazum o realizaciji prvog. Drago mi je da je ProCredit banka otvorila poslovnicu u općini Tešanj i da su podrška tešanjskoj ekonomiji, a istovremeno misle i o društvenoj odgovornosti i najmlađim. Prepoznali su Općinu Tešanj kao partnera u realizaciji ovakvog projekta koji će, prije svega djeci i mlađima omogućiti bolje uslove za igru i druženje, rekao je Općinski načelnik Suad Huskić.



Amir Salkanović, predsjednik Uprave ProCredit Bank, izrazio je zadovoljstvo što ova banka može doprinijeti ovom projektu i istaknuo njegov značaj za zajednicu. Igralište za djecu u Tešnju je inicijativa koju s velikim entuzijazmom podržavamo. Ova donacija nije samo ulaganje u opremu i igralište, već i u budućnost naše zajednice. Kroz ovaj projekat, želimo pružiti djeci siguran i inspirativan prostor za igru, učenje i druženje, rekao je Salkanović prilikom potpisivanja ugovora.

ProCredit banka, koja je u oktobru otvorila novu poslovnicu u općini Tešanj – Jelah, će pružiti finansijsku podršku za nabavku urbanog mobilijara koji će obogatiti igralište za djecu. Društvena odgovornost predstavlja integralni dio misije ProCredit Bank, koja aktivno podržava lokalne inicijative i projekte usmjerene ka održivom razvoju zajednica. Kroz svoje brojne programe, banka se posvećuje unapređenju obrazovanja, zaštiti životne sredine i podršci socijalnim inovacijama koje doprinose društvenom napretku.

Završetak projekta je planiran u prvoj polovini 2024. godine, pa će tako već na proljeće omogućiti mališanima i njihovim porodicama uživanje u modernim sadržajima igrališta i sigurnom okruženju.

SVEĆANO PUŠTEN U FUNKCIJU NOVOIZGRAĐENI BUNAR PEB 5

U rad je pušten novoizgrađeni bunar PEB 5 izdašnosti preko 800 litara u minuti ili cca 50 kubika vode na sat, čija gradnja je započela u 2022. godini.

“Godinu dana nakon puštanja u rad bunara PEB 3, evo nas na puštanju u rad bunara PEB 5. Ovo je važan projekat za Tešanj i našu budućnost. Projektovanje, kupovina zemljišta i izgradnja bunara PEB 5 koštali su oko 830.000,00 KM. Sredstva su u 2022. godini obezbijedili Općina Tešanj i Vlada ZDK. Želim naglasiti da ovih dana privodimo kraju radove na Pomoćnom bunaru pored jezera Jelen, te da smo u pripremi gradnje još jednog bunara PEB 4. Novi bunari koji su izgrađeni – PEB 3, PEB 5 i Pomoćni bunar pored jezera će davati oko 2300 litara u jednoj minuti ili 3400 kubika na dan. Ukupna ulaganja u nove količine vode će iznositi preko 1.5 miliona KM, ali će nam obezbijediti dugoročnu stabilnost u vodosnabdijevanju općine Tešanj”, rekao je Općinski načelnik Suad Huskić. Na vodovodnom sistemu kojim upravlja komunalno preduzeće RAD je oko 30.000 stanovnika i najveći dio Tešanske privrede.



OBILJEŽEN 25. NOVEMBAR - DAN DRŽAVNOSTI BOSNE I HERCEGOVINE

Dan državnosti Bosne i Hercegovine svečano je obilježen u Tešnju. Manifestacija je počela u utorak, 21. novembra Izložbom *Na braniku domovine: Drugi korpus ARBiH 92-95. godina*. Tokom sedmice održan je Kulturno-zabavni program tešanskih srednjih škola, projekcija filma *268 dana opsade: Izdaja saveznika*, izložba likovnih radova učenica Naide Hrvić i Anese Škapur, kao i veče sa književnikom Ibrahimom Kajanom.

U subotu, 25. novembra položeno je cvijeće na Centralno spomen obilježje šehidima i poginulim borcima. Cvijeće su položili Predsjedavajući Općinskog vijeća i Općinski načelnik, zastupnici sa viših nivoa vlasti i Ministar za poljoprivredu, vodoprivredu i šumarstvo ZDK, predstavnici boračkih udruženja, general Fikret Ćuskić, dr. Amir Kliko i dr. Ermin Kuka, Airsoft klubovi Falkon i Orion, Centar borilačkih sportova, OO Naša stranka Tešanj, OO SDP Tešanj, Udruženje antifašista Josip Broz Tito, Kamp boraca, DVD Tešanj 1905 i Odred izviđača.

Isti dan, u Centru za kulturu i obrazovanje je održana je promocija knjige *Rat u srednjoj Bosni 92-95. godina i Jajce 92. godina*, a nakon toga u Kino sali upriličena je projekcija filma *268 dana opsade: Preživjeti i pobijediti*.



UGOVORI ZA VODOVODNU INFRASTRUKTURU

Općinski načelnik Suad Huskić u prisustvu Ministra za poljoprivredu, vodoprivredu i šumarstvo ZDK potpisao je ugovore za Proširenje vodovodne mreže u MZ Kalošević, naseljeno mjesto Putešić i Izgradnju tri rezervoara i pet pumpnih stanica u sistemu dugoročnog vodosnabdijevanja vodom MZ Jablanica i MZ Karadaglije. Vrijednost ovih ugovora je 828 507,42 KM. Sredstva su obezbijedena iz Programa utroška sredstava vodnih naknada i budžeta Općine Tešanj. Potpisivanju ugovora su prisustvovali predstavnici mjesnih zajednica Kalošević, Karadaglije i Jablanica. Izvođač radova je Konzorcij TANS-PUTEVI doo Doboј Jug i ŠPIC BETON doo Zenica.



SASTANAK SA PREDSJEDNICIMA SAVJETA MZ

Općinski načelnik sa saradnicima održao je sastanak sa predsjednicima Savjeta MZ. Glavna tema sastanka je stepen realizacije kapitalnih projekata za 2023. godinu, a razgovarano je i o projektima za koje su potpisani ugovori, projektima za koje još nije okončana procedura te kandidovanje projekata za naredni period 1+2 godine. Tražena je ozbiljnost prilikom kandidovanja po principu da se za 2024. godinu kandiduju spremni projekti za realizaciju (projektna dokumentacija, pribavljena potrebna odobrenja i rješeni imovinsko-pravni odnosi). Za projekte koji su planirani za 2025. i 2026. godinu tokom sljedeće godine potrebno je uraditi projektnu dokumentaciju i pokrenuti proceduru pribavljanja potrebne dokumentacije, a sve u cilju postizanja veće spremnosti i brže i kvalitetnije realizacije Plana kapitalnih investicija. Pored glavne teme razgovarano je još i o izazovima s kojima se općinska Uprava i MZ susreću tokom realizacije poslova na ljetnom i zimskom održavanju puteva, održavanju rasvjete, rada općinskih Službi kao i realizaciji projekata od općeg interesa (kanalizacija, škola Medakovo, nove količine pitke vode kroz gradnju novih bunara, izgradnja mosta između Orašje i Džemilić Planja, utopljavaju dvije škole itd.). Ovom prilikom, predsjednicima Savjeta MZ je predstavljena i Mapa projekata koja se nalazi na općinskoj web stranici i dostupna je za organe MZ i sve građane tako da mogu imati podatke gdje se radio projekat, kolika je vrijednost, izvođač, nadzor i mnogi drugi podaci koji će pomoći organima MZ u radu.

Najviše pitanja koja su postavljena odnosila su se na gradnju autoputa na koridoru 5c, na dionici Putnikovo brdo-Medakovo, te pripreme radova na dionici Medakovo-Ozimice koje traju, a zvanični početak radova je planiran za 01.12.2023. godine. Predstavnicima MZ su dati odgovori na postavljena pitanja, ponovo prezentovane upute za podnošenje prijava i pritužbi, te traženo maksimalno angažovanje organa MZ tokom gradnje kako bi minimizirali uticaj gradnje na svakodnevni život i rad. Općinski načelnik se zahvalio predsjednicima Savjeta MZ na dolasku i na svemu što rade u svojim sredinama, isključivo na volonterskoj osnovi, a s ciljem stvaranja povoljnijih uslova za život i rad svih građana općine Tešanj.



UGOVOR ZA NOVO VATROGASNO VOZILO

Općinski načelnik Suad Huskić i predstavnik Konzorcija RD AUTO doo Sarajevo i SU-AD doo Živinice potpisali su danas ugovor za nabavku novog vatrogasnog vozila. Vrijednost ugovora je 468 000 KM. Radi se o vozilu koje može skladištiti 6 m³ vode i 600 l pjene što će olakšati rad Profesionalnoj vatrogasnoj jedinici i zamijenit će vozilo staro 40 godina.

ZIMSKO ODRŽAVANJE LOKALNIH PUTEVA

U Općini Tešanj su potpisani ugovori za zimsko održavanje lokalnih puteva na području općine Tešanj za predstojeću zimsku sezonu. Firme TRANS KOP d.o.o. Tešanj, DOBOJPUTEVI d.d. Dobojski Jug, GEO PUT doo Maglaj i KM gradnja d.o.o. Tešanj održavat će 83,4 km glavnih cesta.

Vrijednost danas potpisanih ugovora je 227 938 KM.

U narednim danima će biti potписан i ugovor za održavanje 30,3 km gradskih i prigradskih ulica, te 29 km trotoara. U završnoj fazi je i priprema Ugovora za zimsko održavanje puteva u mjesnim zajednicama.

Kada se uobiča cca 63 km magistralnih i regionalnih cesta koje prolaze kroz općinu Tešanj, ukupno je zimskim održavanjem obuhvaćeno 340,16 km puteva i ulica, te 47 km trotoara.



I PREVENTIVNE MJERE ZAŠTITE I SPAŠAVANJA

Sanacija klizišta i odrona na području općine Tešanj, kao i provođenje preventivnih mjera zaštite od poplava realizuje se u cilju spriječavanja širenja postojećih i nastanka novih klizišta i u skladu sa preventivnim mjerama spriječavanja poplava. Aktivnosti su vođene u mjesnim zajednicama Dobropolje-Mekiš, Karadaglje, Raduša, Miljanovci-Lončari, Jelah polje. Provođenje mjera se odnosilo na čišćenje, produbljivanje i uređenje vodotoka, te izgradnju obaloutvrda i sanaciju klizišta na mjestima koja predstavljaju prijetnju dalje erozije obala i zemljишta. Za realizaciju navedenih aktivnosti u 2023. godini kroz preventivne mjere do sada je utrošeno oko 61.000 KM sredstava Općine Tešanj.

Od strane Kantonalne uprave civilne zaštite ZDK, kroz projekte podrške u zaštiti i spašavanju, finansirana je sanacija tri klizišta na području mjesnih zajednica Džemilić Planje, Mrkotić i Bobare-Drinčići-Blaževci.



I OBUKA O MINSKO-EKSPLOZIVNIM I NEEKSPLODIRANIM SREDSTVIMA

Predstavnici EUFOR-a, LOT Zavidovići u Vatrogasnom domu Tešanj održali su obuku o opasnostima minskih polja, odnosno minsko-eksplozivnih i neeksplodiranih ubojnih sredstava. Obuci su prisustvovali uposlenici Službe civilne zaštite sa pripadnicima Profesionalne vatrogasnog jedinice i predstavnici mjesnih zajednica koje gravitiraju postoećim minski sumnjivim površinama. Ovom prilikom, razgovaralo se o iskustvima i aktivnostima u neposrednoj blizini minskih polja i oko pitanja vezanih za zaostala neeksplodirana ubojna sredstava.



I MJERENJE KONCETRACIJE POLENA

Polen ili cvjetni prah je čista praškasta tvar koju proizvode biljke i kao takav može da alergijski utiče na zdravlje ljudi, zbog čega se i provode određena mjerena koncentracija alergenog polena. Općina Tešanj je izrazila opredjeljenje u pogledu navedenih mjerena, te je nabavila odgovarajuću opremu za mjerjenje polena. Institut za zdravlje i sigurnost hrane Zenica je preuzeo obavezu očitavanja koncentracija, o čemu Općina Tešanj dobija redovne sedmične izvještaje. Treba napomenuti da je 2023. godina prva godina mjerjenja koncentracije polena na području općine Tešanj. Ono što karakteriše 2023. godinu jesu alergeni poleni lijeske, čempresa, johe i topole koji su se u značajnijom mjeri pojavili polovinom februara mjeseca i trajali do polovine marta, izuzev čempresa čiji je polen bio aktivan do polovine aprila. Značajnije koncentracije polena evidentirane su i kod hrasta i breze od početka do kraja aprila, a polen četinara je nešto evidentniji bio u period od početka do kraja maja. Značajnije koncentracije polena koprive je zabilježen od polovine maja do početka septembra, a trava od polovine maja do kraja jula. Ambrozija kao jedna od najalergenijih biljaka najzastupljenija je bila u periodu od polovine avgusta do polovine septembra, dok je Alternaria bila zastupljena u periodu od polovine maja do polovine oktobra. Kasna jesen i rana zima su periodi kada su koncentracije alergenog polena neznatne, te se kroz taj period u suštini i ne provode mjerena.



I UPozorenje na neeksplodirana ubojna sredstva

Svjedoci smo učestalim pojavama pronalaska zaostalih neeksplodiranih ubojnih sredstava (NUS) na cijelom području općine Tešanj. Ono što može da nosi negativne posljedice u provođenju ove mjere jeste neadekvatan i neodgovoran odnos kod pronalaska NUS-a. Krajnje neodgovorno je diranje i premještanje pronađenog NUS-a, posebno u blizini linija razgraničenja, zbog mogućeg ulaska u minsko sumnjivu površinu.

Zbog toga, i ovom prilikom upozoravamo stanovništvo na dosljedno provođenje mjera pri pronalasku NUS-a, koje se odnosi da se isti ne dira, premješta, da mu se ne prilazi zbog mogućeg ulaska u minsko sumnjivu površinu, a sve u cilju smanjenja mogućnosti da dođe do stradanja ljudi. Ukoliko je NUS uočen, potrebno je odmah obavijestiti Operativni centar civilne zaštite na broj telefona 121 (032/650-439) ili Policijsku stanicu Tešanj na broj telefona 122.



OPĆINA TEŠANJ

Obilježavanje 31. rođendana 3. korpusa Armije RBiH
petak, 1. decembar, 13 sati, CKO

Otvorene manifestacije &
Izložbe slika Bojane Stojaković
petak, 1. decembar, 17 sati, CKO

Turnir pionirske i predpionirske selekcije u nogometu
subota, 2. decembar, 11,30 sati, Sportska dvorana

Veče ilahija i kasida (Medžlis IZ Tešanj)
subota, 9. decembar, 18,30 sati, CKO

Tešanj Open 2023, turnir u streljaštvu
nedjelja, 10. decembar, 10 sati, Sportska dvorana Musala

Sevdah i klasika, koncert Dženane Huseinagić i
Dženane Šehanović Sarajlić
nedjelja, 10. decembar, 17 sati, CKO

Tešanj u objektivu. Premijera dokumentarnog filma
nedjelja, 10. decembar, 18,30 sati, CKO

Izložba slika Ahmeta Hundura (Muzej)
ponedjeljak, 11. decembar, 18 sati, Biblioteka

Promocija trilogije Nerkeza Smailagića
utorak, 12. decembar, 18,30 sati, Medžlis

Dodjela nagrade "Mustafa Ćeman"
četvrtak, 14. decembar, 12 sati, Biblioteka

Tešanj kroz objektiv učenika osnovnih i srednjih škola, otvorene izložbe i dodjela nagrada (Muzej)
petak, 15. decembar, 13 sati, Eminagića konak

Turnir u ženskoj košarci
subota, 16. decembar, 10 sati, Sportska dvorana

Božićni koncert (HKD Napredak)
subota, 16. decembar, 19 sati, CKO

Sve to je iz kuće, Predstava Bosanskog narodnog pozorišta Zenica
utorak, 19. decembar, 19 sati, CKO

Izložba tabli stripa Miralema Brkića
Ilhamijin put u smrt
četvrtak, 21. decembar, 18 sati, Biblioteka

Godišnji koncert KUD-a "Pobjeda" Tešanj
subota, 23. decembar, 19 sati, CKO

Otvorene 9. turnira mjesnih zajednica
utorak, 26. decembar, 16,30 sati, Biblioteka

Izbor sportiste godine općine Tešanj
četvrtak, 28. decembar, 19 sati, CKO

Promocija knjige Kemala Nurkića Stanovništvo okoline Tešnja polovinom 19. stoljeća (Muzej)
petak, 29. decembar, 18 sati, Biblioteka

D GRADA TEŠNJA | 2023